


250.193
138

贛州府志



贛州府志

贛州府志

卷首

同治庚午年
贛州府志

板存贛州府學

序

論天下之大勢者莫先於形勝飛狐上黨天下之脊左太行右孟門崤函之阻關隴之固虎牢之雄蠶叢蜀道之險載在史冊瞭如指掌然大易之言曰王公設險以守其國夫險而曰設必有因其已然審時度勢措置得宜者不徒恃乎山川邱陵也江右之有贛一形勝之地也余嘗汎洞庭涉彭蠡邇流而上所見山川城郭氣象雄偉鮮有如贛者蓋自五季以來東南之樞紐繫於豫章贛則豫章之門戶其地撫閩粵之背扼章貢之吭層巒疊嶽氣勢磅礴其民樸質少文水耕火耨竭胼胝之力食土壤之毛然而山

贛州府志

卷首 序

深籌密易於藏奸民俗勁悍任氣好鬪考之明代峒蠻嶺寇紛然肆起特命都御史建節郡城控制四省參藩嶺北者分巡之外復有分守先後削平大帽桶岡三泖黃鄉諸巢則前代之重視此形勝者固有道以處之也逮至我朝定鼎之初沿明之舊其時遺孽鴟張而郡城屹然雄兵四出十餘年間遠近嚮化宜若無所更張者一旦從新創制以列郡還之四省而嶺北專設分巡其故何也蓋天下大定分之仍有輔車之勢不分轉多牽制之虞割四省之邊隅以隸贛者權宜之策非久計也贛本隸豫仍歸豫轄則省垣之藩籬益固由是而政務不繁以巡爲守其責更



無旁貸此因時制宜之妙用也然而久安長治其要尤在得人昔之官斯土者殫心經畫戡定撫綏重根本以固腹心城險要以清巢穴其爲計至深且遠後之人踵其成法與時變通無一日不以地方爲念斯地方無一日不安往者粵氛播惡出沒於五嶺八閩之間率以贛爲孔道而尤耽耽於贛乃賊至而城無恙賊去而民無恙卽萑苻竊起不旋踵而滅無他參考成法務叶時宜危而獲全其明效也然則形勝所在得其人則可恃不得其人則失所恃又其明徵也余不敏奉

天子命備兵於茲時與太守魏君柳南及在事諸君孜孜

贛州府志

卷首序

二

商度懲殷鑒而法前型末嘗一日以形勝爲可恃也今七年矣頃太守以郡志成索序言以弁其首余以菲材蒞此名區無所表見以爲纂輯者潤色之資能無愧甚及詳爲披閱則凡李志以後合郡之情形積年之事蹟與夫忠孝節烈足動人觀感者一展卷而歷歷在目不專紀形勝也至其體雖仍舊而徵文考獻寓創於因有補李志所未逮者記事則祛僞而刪支論人則揚善而隱惡微而顯婉而成章太守有深意焉方今上下相安饑饉鮮告民生其間涵濡煦育於

聖朝德澤者二百餘年登螺峰之巔憑臨四望山高水清

間有負固不服者乎無有也間有獠狃未變者乎無有也
負耒橫經蒸我髦士庠序之地濟濟踴踴誠使郡人士追
蹤往哲則王文成公之遺澤未湮濂溪周子與東坡先生
之道德文章猶堪想像卽何善山黃洛村之性道亦盡人
所固有將見爭自濯磨進而益上他日續加採輯必有爲
志乘增光山川生色者余殷然望之矣

同治十有二年歲在癸酉夏六月江西分巡吉南贛甯兵
備道湘鄉文翼序

序

先器識後文藝先事功後議論此論人也而志亦然言不
文行不遠志之不可無文藝議論也固已然逞獨斷而妄
肆雌黃少綜核而徒侈藻繪文藝議論非不佳也而器識
事功謂何矣矯其弊者又或苟簡從事無所發明草率操
觚自甘挂漏則亦非文質相含華實並茂者矣然則欲求
規模宏遠事實精詳而文采議論又足以發其光而壯其
色修志者舍此不爲功吁豈易言哉大都地方應收入志
之事見聞異詞秉筆所據除舊志外惟資採輯採輯之事
分任官紳姑無論偏私者以愛憎爲取舍譸張者每道聽

贛州府志

卷首

序

一

而塗說也卽非有意弊混非不各矢慎勤而或失之寬則
聞惡而亦疑失之嚴則見善而不信力不果則舍難而從
易避重而就輕見不精則得贗而失真取小而遺大或驚
遠而近處反畧之或好奇而庸行反忽之卽不然官知公
署事而地方之事不盡知紳知地方事而公署之事不盡
知憑案牘以稽事案牘有損缺則訛漏可慮採記述以立
言記述苟失實則舛誤相因又况官非久任則往事之原
委一時未必盡悉而五日京兆無論矣卽久任而平日所
經營久或不能盡記而局外旁觀可知矣且有習爲具文
成掩耳盜鈴之塵牘者信手鈔錄則名實不相符也有曲

避吏議而同護遷移其情節者依樣葫蘆則是非不能白也之數弊者苟採輯不能先除則雖秉筆者攷核精詳亦難盡歸美善况攷核不力者哉而或者曰江海之深也人第見其波濤浩瀚而魚龍蛟蜃之潛伏極藏垢納汙而若無睹也山岳之高也人第見其巖壑崇邃而煙雲鳥獸之出沒雖變化離奇而或不覺也志苟文成法立燦美可觀縱事實稍有未詳匪誤則漏彼遠人披覽但憑簡編何由知其得失哉雖然此不可以律志志以記事一有不實不盡識者必議其後其不足以示勸懲資攷鏡猶後也且恐有因而貽誤因而生弊者矣安可以不慎乎我

贛州府志

卷首

序

二

朝聖聖繼承元元熙洽及我

皇上御極以來治成中興芟平大亂振聲教於四海合中外爲一家車書所同正潤色鴻業輶軒採風時也 中執

法劉公請修省志疏奉 俞綸飭先修州縣志以漙於府

而上之 瀛 奉檄後思維志事之難如此而材乏三長懼無

以塞明命稟商 觀察文公遴舉官紳襄其事延南豐魯

太史任筆削焉 觀察又遇事相提命而綜籌核校則俞

大令實始終其事 瀛 復時參末議或亦妄贊一詞其中惟

官廨祠廟及各公產則尤研求細而註載詳曩 瀛 守旴有

爭公產者卷案契據皆燹於兵久不決後得舊志爲徵兩

造遂無異議以是知官署案卷易散亡不如志可歷久其
關係尤遠且大也其餘仍舊增新共加酌核甯淺近毋粉
飾甯質實毋虛浮不敢詆前而誑後不敢執異而苟同求
所爲作傳索米諱惡受金者可爲在事諸君決其無矣第
不知於採輯各弊有能免其一二否也又不知管見所臚
各弊有當於志事得失一二否也人每苦於由之而不能
盡知知之而不能盡言言之而不能盡行而言其所知以
策其所行或宏通者見以爲易而謫陋者見以爲難是則
爲器識所限而文藝匪長議事鮮制竊願就正有道請卽
執此以爲贊同治十二年癸酉夏三品銜江西補用道知

贛州府志

卷首 序

三

贛州府事邵陽魏瀛序

贛州府志卷首

總目

序

纂輯姓氏

舊序

凡例

舊例

繪圖

輿地志

星野

卷之一

疆域

沿革表附

卷之二

城池

坊井附

卷之三

山水

陂塘橋渡附

卷之四至卷之七

贛州府志

卷首

總目

一

官廨

倉庫公所附

卷之八至卷之十

祠廟

卷十一至十五

寺觀

塔附

卷十六

名蹟

卷十七十八

塋墓

義塚附

卷十九

風俗

卷二十

物產

卷二十一

祥異

卷二十二

經政志

學校

卷二十三至二十五

書院 鄉塾附

卷二十六

田賦 科則漕糧起運屯田雜稅戶口官租 卷二十七

榷稅 卷二十八

鹽課 卷二十九

驛傳 卷三十

兵制 卷三十一

武事 卷三十二至三十三

官師志

統轄權使表 卷三十四

府秩官表 卷三十四

贛州府志

卷首

總目

二

縣秩官表 卷三十五三十六

府教授訓導表 山長附 卷三十七

縣教諭訓導表 卷三十八三十九

武秩官表 卷四十

統轄名宦傳 卷四十一

府名宦傳 卷四十二

縣名宦傳 卷四十三

附列甯瑞石名宦傳 卷四十四

武名宦傳 卷四十五

選舉志

薦辟文進士舉人表 卷四十六

貢生表 卷四十七

飲賜表 卷四十七

仕籍表 卷四十八

封廕表 卷四十九

人物志

仕績 卷五十

武勳 卷五十一

忠義 卷五十二

孝友 卷五十三

贛州府志 卷首 總目

儒林 卷五十四

文苑 卷五十五

善行 卷五十六

隱逸 卷五十七

藝術 卷五十八

寓賢 卷五十九

僊釋 卷六十

列女 卷六十一 六十二

藝文志

書目 卷六十三

志目

卷六十四

梁文

卷六十五

唐文

卷六十五

宋文

卷六十五

元文

卷六十五

明文

卷六十六至六十九

國朝文

卷七十至七十三

歷朝詩

詞附

卷七十四七十五

國朝詩

詞附

卷七十六七十七

外志

贛州府志

卷首

總目

四

雜記

卷七十八

贛州府志卷首

纂輯姓氏

督修

頭品頂戴兵部侍郎兼都察院

右副都御史巡撫江西等處地方兼提督銜兼理糧餉碩勇巴圖魯

劉坤一

三品銜分巡吉南贛甯兵備道兼管水利事務文 翼

主修

三品銜江西補用道贛州府知府魏 瀛

總修

翰林院庶吉士 南 豐魯琪光

總纂

贛州府志

卷首

一

翰林院編修前湖南辰沅永靖道興國鍾音鴻

安徽候補知府補用道贛縣鍾 秀

五品銜翰林院編修興 國藍拔奇

監理

運同銜升用同知贛縣 知 縣崔國榜

前 饒 州 府 樂 平 縣 知 縣俞敦培

同知銜前署崇義縣事江西補用知縣周長森

前署雩都縣事江西即用知縣陳翔墀

同知銜前署龍南縣事江西候補知縣何 訥

提舉銜江西試用通判朱景岐

分纂

贛縣舉人蕭先統

贛縣廩膳生石昭華

零都縣舉人洪霖

信豐縣拔貢生王翻

興國縣舉人黃華采

興國縣廩膳生劉仁

會昌縣廩膳生劉林森

龍南縣拔貢生賴正和

長甯縣廩膳生古占先

贛州府志

卷首

二

參校

湖南新化縣監生歐陽价

留陝補用縣丞曾守中

候選訓導宜黃縣廩膳生黃傳懋

南城縣附學生蔡方畹

鹽提舉銜候選訓導湖南新化曾繼松

舊序

贛州府志正德丙子前守當塗邢公始聘刑部郎中長江李公堅修之屬草已完而邢公以擢官去金陵羅公屬其門人上舍生歐陽誠者潤色之安陸張公復手加校正序其首簡將付梓矣屬以更任弗果嘉靖戊子芳偶承乏今御史大夫容東汪公時以中丞節出鎮茲土復哀其稿裁決於廷尉董公乃爲重複考訂並增入近事前本之所未載者書成而容東公被召歸朝矣至是踰年始以入刻刻既成芳復僭序其刻之之意序曰古者史官分左右左以記言右以記事左右史備而言與事無遺矣自王朝以達

贛州府志

卷首

舊序

一

列國同之三代之制無或改也秦兼天下始廢國爲郡縣史亦隨之而王朝之史猶沿夫舊耳司馬子長史記倣古記言之體作八書至班孟堅易書爲志而後漢魏晉隋唐諸書多宗之然則今郡縣之志特古國史之一體耳其所記亦畧矣古今郡國地之廣狹事之繁簡迥乎不同而記載之書詳畧反異至或缺焉遠無以鑒古近無以驗今不亦可慨也哉贛爲郡當閩粵湖江四省之交視他郡爲重邇年來鎮以都臺節以兵憲視昔時爲加重況在有宋濂溪元公嘗通守焉維時明道純公伊川正公侍其父大中公令於興國因學於濂溪所謂吟風弄月以歸者實在茲

土二賢講道之地庶幾與鄒魯並不尤重也哉顧惟久缺
文不足徵豈不重可慨耶乃今歷十餘年更六七守方克
成書吁亦艱矣自今吏於茲郡與繼今而吏者千里之廣
百世之遠一覽在目由是而施於有政可以議興革昭勸
懲酌損益焉豈徒備典章美觀視而已乎此志之所以刻
也書凡若干卷總若干萬言嘉靖九年庚寅贛州府知府
王世芳

郡之有志猶國之有史也史家記載有凡例褒貶有定法
足以傳信垂戒乃謂之良史郡志亦然山川封域之界貢
賦之常官府之設因革沿革在所必錄毋庸粉飾增損其

贛州府志

卷首

舊序

二

間例也若乃風俗之美惡與化移易人才之生視其自樹
地靈不得專主吏茲土者政績不能皆同人品亦不能無
高下於此不審而漫浪書之或過於稱揚或曲爲隱蔽其
於史法皆未盡也周官誦訓之設掌道方志以詔觀事巡
狩則夾王車以行於政教大有裨益歷世久遠莫考其詳
今天子每歲必親命憲臣巡按一方察民隱而糾吏弊歸
則以聞殆其遺法激揚之責固所自盡而典籍之徵亦豈
分外事哉侍御容峯陳公珏有見於此乃謀諸都憲玉泉
王公浚以贛志屬予修葺衰病薄劣何能爲役重違其意
乃與陳教授英李舉人國紀參互考訂收其散逸刪其繁

蕪以就簡約備采覽然於直筆不能無慙也公是非正舛錯尚有俟於後之君子志成憲副侯公緘郡守康公河速予爲序謹綴數語以引其端嘉靖十五年丙申郡人董天錫

郡志修於嘉靖之丙申距今八十六年往矣已事闕如失今不續後將何考萬歷間郡大夫有議及此者曾兩開局未覩厥成丙辰之歲蘭陽李公以司樞別駕攝郡篆重有意焉而謬屬予以筆札之役予謝不敏而公意彌篤會長洲金公來爲守謀與公合則再四趣之予乃鍵關窮畧取各邑新舊牘稍爲編次旣成帙惴惴不稱皮之案頭者久

贛州府志

卷首

舊序

三

之已而兩公俱已遷秩行事亦旋寢司農伍公後至嘗受李公託數過山房索予志稿甚亟予逡巡出而請正公卽攜去今春督漕綱赴省會遂命書掾繕寫成部歸而進之堂長余公余公不鄙輒付梓人旣爲區處厥費而一切鳩匠供餼更以煩司儲朱公凡越四月殺青斯竟予也自慙黡淺之識益以衰髦之年颺技易窮豹窺寶短匡其不逮尚冀望於後之嗣修者天啟元年辛酉郡人謝詔

予以已亥參藩嶺北下車之始郡守以職事相見卽以志書爲問蓋以爲政必先察其風謠相其土宜經理其山川考正其貢賦然後因地成化隨俗致理至要也而郡守對